

# ATTF: 15 GODINA PRENOŠENJA STRUČNOG BANKARSKOG ZNANJA

utorak, 30 Juni 2015 09:06



ATTF (Agencija za transfer finansijskih tehnologija) je nedavno obilježila 15 godina otkako prenosi znanja iz oblasti bankarstva. ATTF je ustanovljena od strane države na bazi javno-privatnog partnerstva, a njeni dioničari su glavni akteri u finansijskom i obrazovnom sektoru u Luksemburgu: CSSF regulator, Centralna banka, Privredna komora, Udruženje finansijskih stručnjaka PROFIL, Univerzitet u Luksemburgu i Institut za bankarsku obuku.

Osnovna misija ATTF je prenošenje bankarskog i finansijskog znanja i ekspertize na konkretne situacije u ciljanim zemljama, kojih je sada više od 40. Ova tehnička pomoć je dio generalne politike vlade Luksemburga koja se odnosi na saradnje. Svojim radom ATTF također promoviše Luksemburg kao finansijski centar na globalnom nivou.

Zahvaljujući finansijskoj pomoći koju dobiva od države, ATTF je od svog utemeljenja u oktobru 1999. godine, organizovao više od 1.300 seminara koji su okupili oko 25.000 profesionalaca iz oblasti finansija.

**- Pretpostvljamo da je svakoga dana neki naši stručnjak angažovan na obuci negdje u svijetu, kaže director Patrick Wallerand.**

Oslanjajući se na podršku više od 120 stručnjaka iz oblasti bankarstva i finansija, u saradnji sa svojim lokalnim partnerima, agencija godišnje organizuje oko stotinu kratkih kurseva (u trajanju od 3 do 10 dana). ATTF je u 2014. godini organizovao oko 8.000 treninga računajući radni učinak osobe po danu za više od 2.250 učesnika.

Obuka se vrši i u inostranstvu, u zemljama partnerima, i u Luksemburgu gdje neki učesnici mogu steći znanja i pripremiti se za međunarodnu certifikaciju u oblastima

upravljanja rizikom, trezora, suzbijanja pranja novca ili privatnog bankarstva. Patrick Wallerand objašnjava:

**- Polaznici naše obuke koji dodju ovdje u Luksemburg su impresionirani visokim nivoom sadržaja I profesionalnom organizacijom naše obuke u kojoj praktični primjeri nadopunjuju neophodna teorijska znanja. Veoma često oni postaju sjajni ambasadori našeg finansijskog tržišta.**

Saradnja sa Bosnom i Hercegovinom počela je 2003. godine i to sa Udruženjem banaka Bosne i Hercegovine (UBBiH), kao lokalnim partnerom.

**- Naša dugogodišnja saradnja sa UBBiH je prijateljska i produktivna. Što se tiče učešća na obuci, uvijek učestvuju predstavnici komercijalnih banaka i javnih institucija; učesnici su oduševljeni kvalitetom ponuđene obuke i zahvalni stalnim nastojanjima UBBiH da im omogući pristup toj vrsti stručnog znanja, kaže Patrick Wallerand.**

U proteklih pet godina, ATTF je također osigurao preko 1.300 dana konsultantskih usluga, koje uobičajeno podrazumijevaju projekte tehničke pomoći za regulatore i supervizore iz zemalja u razvoju.

Luksemburška vlada je još jednom potvrdila svoju posvećenost misiji ATTF-a, a 2015. godina označava nastavak 12-ogodišnje saradnje ove agencije sa UBBiH; ove godine će obuka u formi tri seminara pomoći daljnjem razvoju bankarskog sektora kako bi bio spreman za laganu i brzu tranziciju u bankarsku zajednicu Evropske unije. U cilju postizanja ovog cilja, jedan seminar će ciljano biti posvećen novim finansijskim regulativama I infrastrukturi nadzora u EU. Uz događaje koji će biti organizovani u Sarajevu, predstavnici banaka se pozivaju da sa svojim međunarodnim kolegama posjete naše seminare obuke u Luksemburgu, čiji programi su objavljeni na stranici [www.attf.lu](http://www.attf.lu).

*Link za video o iskustvima dva eksperta – obilježavanje 15-to godišnjice ATTF-a*

<http://vimeo.com/108208481>